

# JAPAN

ZEMLJA IZLAZEĆEG SUNCA

sa *Robertom Dacešinom*



Doživi Tokyo, Kyoto, Naru i Hiroshimu na način na koji bi to učinio naš iskusni putnik Robert Dacešin! Istraži dubinu japanske kulture, istorije i tradicije uz nezaboravna iskustva i predivne jesenje pejzaže. Sigurni smo da će biti puno smijeha, učenja i nezaboravnih doživljaja!

**HOTELI**  
★★★★/★★★★

**AVIONOM  
IZ ZAGREBA**  
Turkish Airlines

**2950€**  
02-15.11.2024.

**AERODROMSKE  
TAKSE  
UKLJUČENE U  
CIJENU!**

Zajedno smo kreirali turu na način da pored standardnih turističkih lokacija, obilazimo i manja mjesta ove divne zemlje, družimo se sa lokalcima, degustiramo domaće specijalitete, vozimo se lokalnim prevozom i mnogo toga još, kako bismo na što bolji način upoznali njihovu kulturu i sve ono što oni predstavljaju.

# KAKAV NAM JE PLAN? ŠTA SVE RADIMO I OBILAZIMO?



02-03.11.

## DAN 1/2 POLAZIMO NA PUT

Sastanak grupe na aerodromu u Zagrebu minimalno dva sata prije predviđenog polijetanja aviona. Prijava na let i polijetanje aviona za Istanbul na liniji TK01054 Turkish Airlinesa u 09.15h uz dolazak u Istanbul predviđen u 13.30h. Nastavak leta za Tokyo u 15.20h te dolazak u Tokyo 03.11. u 08.30h po lokalnom vremenu. Nakon obavljenih carinskih formalnosti kupujemo karte za voz i idemo do hotela. Slobodno vrijeme za odmor, ručak (doplata) i šetnja do Meiji Jingu (Shinto Temple, Šintoističko svetište Meiji, posvećeno dušama prvog cara modernog Japana Meijia i carici Shonken koji se nalazi u središtu park šume koja broji preko 120 000 stabala i 265 različitih biljnih vrsta).

U večernjim satima posjeta "Shibuya crossing", jednom od najpoznatijih pješačkih prelaza na svijetu. Kada se upali zeleno svjetlo na semaforu, kroz sedam pješačkih prelaza u isto vrijeme prelazi i do 2.500 ljudi. Tu je i jedna od nezvaničnih znamenitosti Japana, statua Hachiko u Šibuji... svojevrsni omaž vjernom psu Akiti koji je svakog dana čekao svog gospodara na stanici Shibuya, čak i nakon njegove smrti. Slobodno vrijeme za večeru u popularnoj Shibuyi (doplata). Povratak u hotel. Noćenje.

04.11.

## DAN 3 TOKYO SKYTREE - ASAKUSA - HARAJUKU

Nakon doručka nastavljamo razgled grada javnim gradskim prevozom. Započinjemo posjetom Tokyo Skytree, televizijskom tornju i znamenitosti Tokija (ulaznica uključena u cijenu) koji se nalazi u gradskoj četvrti Sumida, nedaleko od Asakuse. Sa visinom od 634m (634 se može čitati kao "Musashi", historijsko ime Tokijskog regiona), to je najviša građevina u Japanu, a u njegovom podnožju nalazi se veliki trgovački kompleks sa akvarijumom. Zanimljivost Tokyo Skytree-a su njegova dva vidikovca sa kojih se pruža spektakularan pogled na Tokio. Dvije zatvorene palube nalaze se na visinama od 350, odnosno 450m, što ih čini najvišim palubama za posmatranje u Japanu.

Pauza za ručak (doplata) nakon koje slijedi posjeta najstarijem budističkom hramu u Tokiju. Sensoji hram je smješten u četvrti Asakusa i predstavlja jedan od najvažnijih hramova u Tokiju.

Posjetićemo i užurbani Harajuku poznat je po živopisnoj uličnoj umjetnosti i modi za mlade, sa otkačenim prodavnicama vintage odjeće i cosplay trgovinama duž ulice Takeshita, te tradicionalnim, luksuznim buticima u zelenoj aveniji Omotesando. Mali, moderni barovi su u okolnim ulicama, a tu su i poslastičarnice i kolica specijalizovana za slatke palačinke, krofne i čaj. Noćenje.

05.11.  
**DAN 4 TSUKIJI MARKET, RUNNING SUSHI RESTORAN, AKIHABARA**

Nakon doručka idemo do nekada najveće tržnice ribe na svijetu, Tsukiji marketa, koja se sastoji od blokova trgovina i restorana u kojima osim ribljih i morskih prerađevina možete pronaći razne proizvode za obradu hrane, a možete se okušati i u pravljenju sushija (doplata). Ručak u lokalnom restoranu (doplata). Poslijepodne posjetićemo Akihabara Electric Town gdje se nižu trgovine elektronike, kafići sa poslugom i objekti otaku kulture. Istražićemo ga pješice kako biste osjetili šarm Akihabare, jedne od najpopularnijih turističkih destinacija Tokija. Noćenje.

06.11.  
**DAN 5 SUMO RVANJE – TEAMLAB**

Nakon doručka slijedi pitanje: Ko je za autentičan doživljaj sumo borbi? Jer iza podneva odlazimo na Sumo meč turu sa uključenim ručkom. Nakon toga slijedi posjeta novootvorenom muzeju digitalne umjetnosti TeamLab. Muzej prezentuje 50 digitalnih radova realizovanih kapacitetom od 520 računara i 470 projektora, te putem modernih tehnologija i dizajna stvara utisak alternativne stvarnosti i iluzije. Možemo svratiti i do Miraikan Muzeja Nauke i Inovacija. Noćenje.

07.11.  
**DAN 6 JAKUZE – DISNEY WORLD**

Doručak. Posjeta bivšim pripadnicima Jakuzi ili po izboru odlazak u Disney World. Predveče posjeta Shinjuku. Slobodno vrijeme za večeru (doplata). Noćenje.

08.11.  
**DAN 7 TOKYO - KYOTO**

Po doručku transfer brzim vozom za Kyoto. Kyoto, nekada glavni grad Japana, i carska rezidencija od 794. do 1868. je grad na ostrvu Honšu. Poznat je po brojnim klasičnim budističkim hramovima, kao i po vrtovima, carskim palatama, šintoističkim svetištima i tradicionalnim drvenim kućama. Poznat je i po formalnim tradicijama kao što je kaiseki večera, koja se sastoji od više preciznih jela, a možete vidjeti i gejše, koje se često nalaze u okrugu Gion. Slobodno vrijeme za kasni ručak (doplata). Noćenje.

09.11.  
**DAN 8 KYOTO**

Doručak. Obilazimo Kyoto, tokom vijekova, razoren mnogim ratovima i požarima, ali zbog izuzetne istorijske vrijednosti, grad je izbačen sa liste ciljanih gradova za atomsku bombu i izbjegao je uništenje tokom Drugog svjetskog rata. Bezbroj hramova, svetišta i drugih istorijski neprocjenljivih građevina opstaje danas u gradu. Istražujemo zadivljujući Kyoto kvart Arashiyama, uključujući Bamboo Grove koji oduzima dah. Šetnja se nastavlja do hrama Tofuku-ji, jednom od posjećenijih hramova u cijelom Kjotu. Vidjećemo i svetište Fushimi-Inari Taisha, vjerovatno najpoznatije mjesto u Kjotu. Arkade tori (kapija šintoističkog svetišta) ovdje su magične. Slobodno vrijeme za ručak (doplata). Noćenje.

10.11.

## DAN 9 KYOTO - NARA - KYOTO

Doručak. Danas idemo vozom za Naru, prvu stalnu prestonicu Japana osnovanu 710. godine u Heijou. Međutim, kako su uticaj i političke ambicije moćnih gradskih budističkih manastira rasli i postali ozbiljna prijetnja vladi, glavni grad je premješten iz Nare u Nagaoku 784. godine i nekoliko godina kasnije u Kjoto.

Posjetićemo Todaiji "Veliki istočni hram", jedan od najpoznatijih i istorijski značajnih hramova Japana i obilježje Nare. Daibutsuden "Veliki Buda", držala je rekord kao najveća drvena građevina na svijetu, uprkos činjenici da je sadašnja rekonstrukcija iz 1692. godine samo dvije trećine veličine originalne hramske dvorane. U Nara Deer Park-u vidjećete preko 1000 jelena, koji se smatraju glasnicima bogova. Narini jeleni su iznenađujuće pitomi, iako mogu biti agresivni ako misle da ćete ih nahraniti, pa pazite da ih ne zadirkujete hranom.

Kofukuji je nekada bio porodični hram Fujiwara, osnovan je u Nari u isto vrijeme kada i glavni grad 710. godine, a sastojao se od preko 150 zgrada. Kofukujijeva pagoda je i orijentir i simbol Nare. Prvi put je izgrađena 730. godine, a posljednji put je obnovljena 1426. godine. Ni u jednu pagodu ne može ući javnost. Dok je ulaz u kompleks hrama Kofukudžija besplatan i moguć 24 sata dnevno, postoje tri oblasti za koje je potrebno platiti ulaz: Centralna zlatna dvorana, istočna zlatna dvorana i Kofukujijev Nacionalni muzej blaga. Slobodno vrijeme za ručak (doplata).

Naramachi je bivši trgovački kvart Nare, gdje je nekoliko tradicionalnih stambenih zgrada i skladišta očuvano i otvoreno za javnost. Butici, prodavnice, kafici, restorani i nekoliko muzeja sada se nižu uskim ulicama okruga. Danas je nekoliko makija sačuvano i otvoreno za javnost kao muzeji. Povratak u Kyoto. Noćenje.

11.11.

## DAN 10 KYOTO

Doručak. Vidjeli ste da je Kjoto "Japan u malom", kulturno i istorijsko srce zemlje, najbolje mjesto za doživljaj tradicionalnih hramova, svetišta, vrtova, gejša, trgovina, restorana i festivala. Ukratko, Kjoto je najnagrađivanija destinacija u cijelom Japanu i trebala bi biti na vrhu bilo kog japanskog putovanja. Zato ostavljamo slobodno vrijeme u Kyotu za ovaj dan, a ukoliko želite možete iznajmiti kimono po svom izboru, ili čak potpuni preobražaj uz šminku i frizuru u specijalizovanim salonima i istražiti ulice Kyota u tradicionalnom japanskom stilu. Slobodno vrijeme za ručak (doplata). Noćenje.

12.11.

## DAN 11 KYOTO - HIROSIMA

Doručak. Polazak za Hirošimu. Obilazak Peace Park-a, i Peace Park Museum Bomb Dome. Smješten u zapadnom Honšuu i neposredno iznad Šikokua, možda prva stvar koja mnogima padne na pamet kada čuju riječ "Hirošima" je da je bila meta prve atomske bombe u istoriji. Uzimajući živote preko 100.000 civila, njeni katastrofalni efekti mogu se vidjeti u kupoli atomske bombe (Genbaku), koja je čudom preživjela bombardovanje i nalazi se na listi svjetske baštine te u pokretnom Memorijalnom muzeju mira u Hirošimi; oba služe kao dirljivi podsjetnici na neophodnost svjetskog mira. Slobodno vrijeme za ručak (doplata). Smještaj u hotel. Noćenje.

13.11.

## DAN 12 HIROSIMA

Nakon doručka slobodno vrijeme. Danas posjećujemo ostrvo Miyajima, magičnu lokaciju još jednog mjesta svjetske baštine - svetišta Itsukushima Shrine i njegovih „plutajućih“ torii kapija za vrijeme plime. Miyajima je malo ostrvo manje od sat vremena udaljeno od grada Hirošime, najpoznatije po džinovskim torii vratima, koja za vrijeme plime kao da plutaju po vodi. Prizor je rangiran kao jedan od tri najbolja u Japanu.

Miyajima je romantično mjesto u kojem se najbolje uživa u prenoćištu u jednom od ostrvskih ryokana. Iako je tokom dana obično mnogo turista, u večernjim satima područje postaje mnogo tiše i mirnije. Na ostrvu ima i divljih jelena koji su se navikli na ljude. Danju jeleni lutaju po istim lokalitetima kao i turisti, a uveče spavaju duž staza za šetnju. Za razliku od Nare, jelena na Miyajima se ne smiju hraniti. Slobodno vrijeme za kasni ručak (doplata). Noćenje.

14.11.

## DAN 13 TOKYO - NIKKO - TOKYO

Doručak. Povratak u Tokyo. Slobodno vrijeme. Odlazak u Nikko, Toshogu Shrine... Noćenje u ROBOT hotelu.

15.11.

## DAN 14 POVRATAK KUĆI

Nakon doručka odjava iz hotela i polazak na aerodrom. Prijava na let i polijetanje aviona prema Istanbulu u 10.15h te dolazak u Istanbul predviđen u 18.00h. Prijava na let za Zagreb u 19.00h po lokalnom vremenu, uz slijetanje u Zagreb u 19.05h. Puni utisaka i opijeni čarima Japana već planiramo naredno putovanje.



## SVIĐA TI SE PLAN I HOĆEŠ DA PUTUJEŠ SA NAMA?

Pošalji svoje podatke na email adresu [info@zeptepassport.com](mailto:info@zeptepassport.com) uz skeniranu prvu stranicu pasoša, kako bismo te stavili na listu zainteresovanih putnika, ili nas možeš pozvati na broj telefona +387 65 693 000 za sva dodatna pitanja.

Kada se ide?

**TERMIN PUTOVANJA**

**02-15.11.2024.**

**12 NOĆENJA  
14 DANA**

Letimo sa?

**TURKISH AIRLINES**

let iz Zagreba sa  
presjedanjem u  
Istanbulu

Cijena aranžmana?

**2950€**

Gdje smo smješteni?

**HOTELI**  
★★★★/★★★★

## ŠTA JE UKLJUČENO U CIJENU?

- Prevoz avionom kompanije Turkish Airlines, prema programu Zagreb – Tokyo – Zagreb
- Aerodromske takse / podložne promjeni (konačni iznos potvrđuje se na dan izdavanja aviokarte)
- Težina prtljage kod avio kompanije: 1 komad prtljage do 23 kg koji se predaje i 1 komad ručne prtljage koji možete sa sobom ponijeti u putničku kabinu, maksimalne težine 8 kg (55x40x20)
- 5 noćenja / Tokyo, 4 noćenja / Kyoto, 2 noćenja / Hiroshima u hotelima 3\*/4\* i 1 noćenje u robot hotelu / Tokyo
- Vožnje javnim prevozom za sve dane programa
- Vožnja brzim vozom Tokyo-Kyoto, Kyoto-Nara-Kyoto, Kyoto-Hiroshima i Hiroshima-Tokyo
- Obilazak MEIJA JINGU – SHIBUYA u 2. danu programa
- Obilazak ASAKUSA – HARAJUKU u 3. danu programa
- Obilazak TSUKIJI MARKET – AKIHABARA u 4. danu programa
- Obilazak KYOTO u 7. i 8. danu programa
- Obilazak NARA u 9. danu programa
- Obilazak HIROSHIMA u 11. i 12. danu programa
- Pratilac na putovanju / Robert Dacešin
- Asistent iz agencije
- Lokalni vodiči na engleskom jeziku / sve informacije od strane našeg pratioca

## ŠTA NIJE UKLJUČENO U CIJENU?

- Doplata za jednokrevetnu sobu - 820eur
- Ulaznice za lokalitete i objekte koji se posjećuju, a nisu navedeni u cijeni aranžmana
- Obroci, kao ni pića uz obroke
- Putničko zdravstveno osiguranje. Polisu osiguranja možete kupiti u agenciji prilikom rezervacije putovanja.

## VAŽNE NAPOMENE

- Rezervacija putovanja je moguća isključivo uplatom avansa u iznosu 800eur. Usmena rezervacija putovanja nije moguća. Ostatak je potrebno uplatiti do 01.10.2024. (moguća uplata u ratama do navedenog datuma)
- Uplatom akontacije putnik potvrđuje da je pročitao i prihvatio Program putovanja, Ugovor o putovanju i Opšte uslove putovanja.
- Kalkulacija je rađena na bazi minimum 16 putnika. U slučaju manjeg broja prijavljenih putnika agencija zadržava pravo promjene cijene putovanja, otkaza ili promjene programa putovanja.
- Putnik je obavezan da provjeri trajanje i ispravnost putnog dokumenta, kao i broj slobodnih stranica u pasošu potrebnih za putovanje. Svi pasoši moraju imati rok važenja minimum 180 dana (6 mjeseci) od dana povratka u zemlju. Organizator putovanja nije ovlašten i ne cijeni valjanost putnih i drugih isprava.
- Za nosioce pasoša BiH je potrebna viza, i neophodno je podnijeti zahtjev u ambasadi lično u Sarajevu. Sve detalje možete dobiti u agenciji.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija. Vremena polazaka aviona u programu navedena su prema redu letenja i podložna su promjeni. Agencija ne snosi odgovornost usljed promjena aviokonekcija od strane aviokompanije. Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Organizator nije odgovoran za povećanje cijena ulaznica i izleta navedenih u programu na dan formiranja programa.
- Raspored obilazaka svih lokacija i objekata navedenih u programu ili od strane agencije predloženih opcionalno tj. fakultativno je podložan promjenama prema procjeni pratioca a ovise o radnim vremenima pojedinih lokacija ili objekata o trenutnoj raspoloživosti pružaoca usluga na terenu te o vremenskim prilikama.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Agencija zadržava pravo izmjene cijena aranžmana u slučaju promjene kursa dolara na svjetskoj berzi.
- Završno pismo dostavljamo mailom 48 sati prije putovanja – završni dokument potreban za putovanje (sadrži informacije o tačnom vremenu polaska (leta), kontakt pratioca putovanja).
- Agencija ne snosi odgovornost za eventualne drugačije usmene informacije o programu putovanja.

Program 1 - objavljen 07.03.2024.  
organizator ZEPTER PASSPORT